



2016-2020

Plan de lengües dera UAB

Pla de llengües de la UAB

UAB Plan for Languages

Programa de linguas da UAB

Plan de lenguas de la UAB

UABko hizkuntza-plana

Plan d'action pour les langues



UAB
Universitat Autònoma
de Barcelona



1. Tòca deth Plan de lengües

Disposar d'un marc estrategic entara politica lingüistica dera UAB entath periòde 2016-2020.

2. Encastre d'aplicacion

Er encastre d'aplicacion ei era Universitat Autònoma de Barcelona. Ath delà d'aquerò, era Universitat arrecomane que s'aplique subsidiàriaments bèri critèris deth Plan as entitats qu'era UAB n'a ua participacion majoritària e qu'aqueh plan servisque d'orientacion entàs entitats qu'era UAB arreconeish.

3. Durada

Eth Plan se propòse entà ua durada de cinc ans, de gèr de 2016 a deseme de 2020.

4. Tipologia deth Plan

Eth Plan de lengües se compren coma un marc generau, ua huelha de rota, e cada encastre a d'establir es mecanismes entà concretar-lo en plans especifics, cossent damb era sua especificitat.

5. Responsable de hèr-ne eth seguiment

Era Comission de Politica Lingüistica, delegada deth Conselh de Govèrn, hè eth seguiment deth Plan de lengües.

Eth Serviç de Lengües ei er organisme encargat de dar eth supòrt tecnic ath Plan.

Er interlocutor de Politica Lingüistica de cada centre ei era persona de referéncia entà canalizar es dobles o es ahèrs de matèria lingüistica deth centre.



6. Recorsi de besonh

Eth Plan de lengües conten ua prevision budgetària annau des accions que cau desvolopar. Aqueres accions se priorizen cada an de sòrta que, se non i a disponibilitat budgetària entà amiar-les totes a tèrme, se pogue amiar a tèrme es mèns importantes.

7. Estructura e contenguts

Eth Plan s'articule a compdar des elements següents.

7.1. Marc generau

Eth Plan de lengües dera UAB partís deth marc generau que se descriu en seguida.

Eth catalan ei era lengua pròpria, e oficiau (amassa damb eth castelhan), de Catalonha e de toti es nivèus educatius en Catalonha, e en conseqüència ei era lengua pròpria dera UAB. Era condicion de lengua pròpria hè dera lengua catalana un element clau entà arténher es tòques d'excellència e de captacion e fidelizacion de talent dera Universitat, pr'amor qu'es competéncies lingüistiques son fonamentaus entath desvolopament personau e professionau. D'un aute costat, era UAB, coma universitat catalana, ei responsabla d'assegurar er usatge dera lengua e era divulgacion e eth melhorament dera produccion scientifica en catalan.

Eth castelhan ei era auta lengua oficiau dera UAB, qu'ath delà, ei un centre de referéncia en filologia castelhana. Amassa damb er anglés, ei ua lengua imprescindibla entà captar e fidelizar talent e entà arténher es tòques d'internacionalizacion e d'excellència dera Universitat.

Er anglés ei vengut era lengua franca dera comunautat academica internacionau e cada còp s'utilize mèns coma lengua de trabalh efectiu ena activitat dera universitat e des sòns entorns professionaus, e ei, per aguesta arrason, un actiu clau entath desvolopament academic des nòsti estudiants. Atau donques, se considèrè de besonh formalizar er estatut der anglés coma lengua franca.



Se ben ei indiscutible eth ròtle der anglés coma lengua franca dera comunautat academica internacionau ena estrategia d'internacionalizacion dera Universitat, eth francés i a tanplan un ròtle important per arrasons geoestrategiques, per proximitat e per tradicion. Ath delà d'aquerò, eth francés, er alemanh e er italian, entre ues autes lengües, son estrategiques coma lengües de referéncia en determinadi camps de coneishença e en determinadi environaments professionaus. D'un aute costat, en determinades professions ei importanta era competéncia multilingüa.

Actuauments, ena comunicacion e ena promocion dera Universitat tanben son importantes es lengües dera Àsia der èst (principauments eth chinés, eth japonés e eth corean) coma conseqüéncia der enjòc estrategic qu'a hèt era UAB per aqueth airau geografic.

Fin finau, un atot màger dera Universitat ei eth sòn capítol lingüistic: eth concèpte d'universitat ei, dempús deth sòn començament, estacat ath multilingüisme coma factor d'enriquiment e d'aproximacion entre es persones que genèren e consumissen coneishença. Es lengües e es cultures que i conviuen enriquissen era comunautat universitària e, d'un aute costat, er ensemble des estudis, centres, instituts, grops de recèrca e servicis restacadi damb es lengües son hònt de recèrca, de transferéncia de coneishença e d'innovacion en aqueth encastre.

7.2. Mission, vision e valors

7.2.1. Mission

Eth Plan de lengües ei er estrument qu'establís es tòques e es accions de besonh en matèria de politica lingüistica entà desvolopar era mission dera UAB.



7.2.2. Vision

Eth Plan de lengües deu facilitar qu'era UAB vengue:

- Modèl de qualitat lingüística e de comunicacion eficaça ena docència, ena recèrca e enes comunicacions institucionaus.
- Motor dera recèrca, dera transferència de coneishença e dera innovacion en matèria de lengües.
- Referència locau e internacionau en bastiment e ena aplicacion d'un modèl de governança deth multilingüisme ena Universitat.
- Cas arreconeishut d'engatjament damb era sostenibilitat lingüística.

7.2.3. Valors

Eth Plan de lengües sosten es valors següentes:

- Eth foment dera lengua catalana, coma lengua pròpria e oficiau, ena docència, ena recèrca e era transferència de coneishença.
- Era arreconeishença deth castelhan coma lengua importanta entara internacionalizacion dera UAB.
- Era promocion der anglés, coma lengua franca dera comunautat academica internacionau, ena docència, era recèrca, era documentacion administrativa e es comunicacions institucionaus.
- Era arreconeishença deth multilingüisme dera Universitat e deth multilingüisme e dera competència interculturau dera comunitat universitària coma actius estrategics entara internacionalizacion dera UAB.
- Era transparència e era efectivitat des drets e des déuers lingüistics que se deriven der estatut des lengües: deth catalan coma lengua pròpria, deth catalan e deth castelhan coma lengües oficials, der anglés coma lengua franca dera comunautat academica internacionau, e tanben d'autres lengües en contèxtes especifics.



7.3. Tòques estratègics

Es tòques estratègiques deth Plan de lengües dera UAB son alinhades damb es tòques estratègiques qu'era Universitat establís, principaments damb es següentes: assoldir era docència de qualitat, estèner er impacte locau e internacionau dera quita docència e potenciar era qualitat dera recèrca.

Tanben se tien en compde es tòques de melhorament des competències lingüístiques qu'era Generalitat de Catalonha a establít entath finançament variable per tòques des universitats públiques catalanes.

Es tòques estratègiques deth Plan de lengües son es següentes:

- Incrementar era competència lingüística des estudiants.
- Melhorar era capacitat d'interaccion interculturau dera comunautat universitària.
- Contribuïr a hèr aumentar eth nombre d'estudiants locals e internacionaus, en tot agranir era disponibilitat lingüística dera Universitat per arrepòrt ara sua comunautat.
- Contribuïr a hèr aumentar eth volum de recèrca publicada en anglés, catalan e castelhan e es autes lengües que poguen èster considerables en determinadi encastres.
- Contribuïr a incrementar er impacte des accions dera Universitat per mejan der assegurament dera qualitat lingüística des documents que se hè difusion.

7.4. Èishi d'accion

Eth Plan de lengües s'estructure en tres èishi d'accion:

- Èish institucionau e de gestion.
- Èish dera docència e dera recèrca.
- Èish dera mobilitat e dera acuelhuda.



7.5. Accions

Es contenguts des accions se concrèten a compdar des tòques estrategiques (veir era seccion 7.3). Aqueres accions an d'èster realizables en termini de vigéncia deth Plan e pòden èster de quate sòrtes diferentes:

- De supòrt,
- D'implementacion,
- De diagnostic,
- De regulacion.

Cada an se fixe un plan d'accions annaus entà tier en compde tant es besonhs de cada moment coma es disponibilitats budgetàries.

Entara estapa que comence damb eth nau Plan de lengües s'avalore coma mès que mès efectives es mesures de supòrt, e se considèra qu'es de diagnostic e es de regulacion, damb caractèr generau, actuauments son mens de besonh que quauqui ans enrè, quitament s'en determinadi casi si qu'ac pòden èster.